

**KERWEREDD 1999**

Ihr lieue Leit unn Kerwestrunke,  
bald simmer widder sturzbetrunkel!  
Die Nerrermorer Kerb wird gefeiert mit Plaisir,  
darum simer alle hier!  
Met Alkohol wird se begoss  
unn bis am Dinschda a net nogeloss!  
Im ganze Dorfhammer unser Strauß gezeichnet,  
seit Freida simmer schunn geeicht...  
Drum, ihr Leit, lossen eich blicke  
unn dun a e paar Schoppe schlicke.  
De Nerrermohrer Kerb zu Ehre  
sollt kenner e Schoppe uns verwehre!  
Am beschde trinke ner gleich zwä,  
do bleibt es Wetter länger schäl!  
In meiner Pflicht als Dorfchronischt  
erzähl ich eich so manch guti Geschicht.  
Mir bringe nur die beschde Kracher  
unn hoffe a uff eier Lacher!

Verheirat sinn, jo, das is toll,  
solang em de Alldach noch net voll  
erwischt mit diesem dicke Ding,  
so wie es dene beiden ging!  
Die hann gebaut, do hinne, hinner de Brick;  
außerdem trickele se die Wäsch im Gaade am Strick.  
Bis eines schönen Daachs, oh Schreck,  
die ganze Wäsche war eweg!  
Die hat do wohl in dunkler Nacht  
e Gaadewechsel mitgemacht!  
Die BHs uff emol in Emriche Gaade wehe,  
es Helga glaabt, es dät net recht sehe  
unn denkt: "Die Wasch is awwer schää,  
nur fers Heike net e bißje klää?"  
Dem Heike fällt's gleich uff:  
"Ei gummo,do steht jo MIRIAM druff!"  
Als mer sich bei Kennels angesah  
unn die Wasch retourgetra,  
wird ne alle ganz schnell klar,  
daß das der Weiße Riese war!  
Das Zeisch war sauber, das stimmt schummo,  
nur leider isse im falsche Gaade rummgefloh!  
Die Musik spielt dem Wäscheweghexer ganz laut:  
"Das is alles nur geklaut!!!"

Manschie Party is schää unn is bunt,  
unn nachts die Fies a ganz schä rund.  
Es Anja unn de Patrick fandens furchtbar nett,  
awwer jetzt wollte se a mol ins Bett!  
De Patrick rennt vor, unn es Anja ihm no  
unn saht noch: "Ei, jetzt wart doch mo!"  
Der kontert zurick: "Jetzt geb endlich Ruh!  
Beim Bund mit 20 Kilo Gepäck war ich noch schneller wie du!"  
"Och komm, her uff, sowas zu saan,  
sunscht kannsche mich a glei hämtraan!"  
Do hat er sichs halt mol gekrallt  
unn sichs uff de Ricke geschnallt.  
Kurve rechts unn Kurve links,  
ennunner bis zum Kalli gings,  
bis es mitte in de Nacht  
vor de Metz so richtisch kracht!  
De Patrick hat die Kurv net kriet  
unn es Anja flieht unn flieht...  
Geland sinn se beide ganz schä brutal,  
die Schmerze ware sicher e Qual!  
Fers Lewe lernt mer ach beim Bund,  
nur manches is net so gesund!  
Die Musik spielt eich fer de Fruschk:  
"Das Wandern is des Patricks Luschd!"

Brille Paul wurd 70 Johr,  
das kommt ziemlich selte vor.  
Do dut mer net nur beim trinke, a beim esse  
uff dem Feschd die Kräfte messe.  
Um Mitternacht gabs dann die Reschde,  
do wurd nochmol zugeschlah, awwer feschde!  
Do hat sich de Mayer Karl emol  
2 schöne Sticker mitgehol.  
Was der Bauer doch net wäs:  
uff dem Büffee gabs a noch Kääs,  
den der Mann leider net esst,  
weil erm nachts kä Ruhe läßt!  
Awwer wie es Schicksal halt so macht  
hat er sich e Stick Schwarzwälder unn e Ranke Edammer uff de Deller geschafft!  
Der war geschnitt ei grad wie Kuche,  
unn dene wollt er doch versuche!  
Tapfer esst er, wenn a schwer,  
denne ganze Deller leer.  
Mudisch dut er alles schlicke,  
domit's die annere net solln blicke!  
Doch es hat net hiengehau,  
es Susi war dann doch zu schlau!  
Unn er hat die ganze Nacht  
an dem Käs erumgeschafft!  
In Zukunft acht er besser druff  
unn sperrt am Büffee die Nas mit uff!  
“Frau Antje” wolle mer jetzt verehere,  
daß mer beim nekschde Fescht net de Üwverblick verleere!

Manche Leit sinn werklisch doof,  
die verfare sich sogar uffm Sangerhof!  
Wisse ner, das is dohinne die alt Welt,  
wo owends um acht de Vorhang fällt!  
Wenn das bloß schunn alles wär!  
Es kommt noch besser, glaawen's mir!  
Denn: so manchen Opel-Held  
zwische Owermohr unn Stenwiller de Geschwindischkeitsrausch überfällt!  
Dann schleiche do a noch mit 100 Sache  
2 rote Lichter, das is doch zum lache!  
Die Stroß war frei- unn schnell vorbei;  
UPS, das war die Polizei!  
Sie hotte zwar kä Blitzgerät,  
doch fer die Rääfe war's zu spät.  
Die warn so glatt, grad wie rasiert,  
do hann se ne mol abkassiert!  
Zum Schluß kams dann erscht richtisch heavy:  
er rammt in Rammschde noch e Chevy!  
Tja, das war dann Auto Nr. 2,  
im Januar war's schunn mit'm Tigra vorbei!  
Mir singe dem mit viel trara:  
"Jo, mir sann mim Radl da!"

SAT1, Pro7, RTL,  
das hat mer alles ziemlich schnell.  
Nur mol fix no Lautre fetze  
unn sei Geld in e Sat-Anlach umsetze!  
Doch die Montasch is kompliziert,  
drum wird fleisch die Gebrauchsanweisung studiert.  
Um kä Zeit me zu verliere  
dud er die Klädele schunn uffm Klo montiere.  
Ziehe Lasche A nach Hülse C,  
verbinde E dann noch mit D,  
greif Lasche B und ziehe vor...  
PLATSCH, do leit das Ding im Rohr!  
Jetzt soll mol ener locker bleiwe,  
wenn die Däle in de Schüssel treibe!  
Dann muscht er a noch Klempnerawet schaffe»  
em Frank war werklich net zum Lache!  
De arm hat er bis zum Ellebo  
drinngeshatt in seinem Klo!  
Wie lange hat er dort gefischt,  
bis er dieses Teil erwischt!  
Unn die Moral von der Geschicht:  
mit offene Bää, do schießt mer nicht!!!  
Die Musik dät spiele laut unn höhnisch:  
Frank Stemmler, der Heimwerkerkönisch!  
Doch weil mer das Liedsche net erhascht,  
falle mer glei em Mundschenk zur Lascht!

Letschdens warn jo widder Wahle.  
Tausend Kreizjer, ach was Quale!  
Unser Dorfhäuptling wurd nur widder bestäitscht,  
weil er sich seit neischdem a als Sheriff betätischt.  
Do hat er sich in dunkler Nacht  
zum Zigaretteautomat uffgemacht.  
Ich sahn's eich, kenner wäs wieso,  
awwer er war im richtische Moment grad do.  
Er hat grad noch so entdeckt, wie enner de Automate crackt!  
Er pirscht sich ran, nemmt ne am Ohr  
unn ruft: "Harry, fahr den Wagen vor!"  
Sowas macht mer doch net hier,  
das ist doch wohl Wolfs Revier!!!  
Er hat ne am Krawutsch gehall  
bis die Handschelle sinn ins Schloß gefall!  
Nerremohr in de Kriminal Statistik ganz unne steht  
seit unser Sheriff Streife geht!  
Die Musik spielt dem Bösewicht  
"Klar. Verbrechen lohnt sich nicht!"

Uff Parties gut esse, das is so der Brauch  
unn das wäs de Kalli auch.  
Unser enzischer Internet-Metzger im Ort  
kommt mit seim Service doch oft fort.  
Mit'm blaue Busje um die Weit  
wird abgeliefert, was bestellt.  
So geschehen a im letschde Johr,  
do fährt er bei me Kunne vor.  
Mit Soßjer, Tepcher, Messer, Platte  
steht er dort doch uff de Matte.  
Die Hänn hat er so voll mit seim Stuss  
daß er mit de Nase klinge muss!  
Als do die Deer uffgeht erscheint do e Mann,  
der's noch gar net fasse kann:  
"Ei Kalli, der Krempel, den du do halsch,  
der is doch heit noch komplett falsch!  
Ich sahn dir jetzt ganz ohne Fun,  
du bisch doch erseht nekscht Woch dran!"  
"Äh, ich wollt eich die Platte a nur mol zeiche,  
daß die a ganz sicher reiche!  
Dann bleibt's debei, grad wie besproch,  
ich komm dann nochmol nekschdie Woch!"  
Lieber Kalli, zur Haute Cuisine  
gehert halt a de rischdisch Termin!

Hexenacht is immer gut,  
was sich do dann alles dut!  
Es Klopapier am Geländer hängt  
unn so manch ener denkt,  
daß er heit besser sei Auto butzt,  
weil's mit Ketschup unn Senf recht gut beschmutzt!  
Awwer driwwe, in de Friedhofstroß,  
war in der Nacht ganz schä was los!  
25 Bauarbeiter,  
Heinzelmänncher unn e Leiter  
hann doch glatt in ener Stunn beendet,  
wozu mer seit Auguscd Lang hat Zeit verschwendet!  
Ohne Licht unn ziemlich leis  
verbutze se das Fenschder schnell mit Speiß.  
Noch schnell die Baustell abgesperrt,  
domit sich kenner hienveerrt.  
Der Mann steht moins vor dem Ex-Loch  
unn denkt: "Was war do noch?"  
Lange hanns jetzt a verscdann,  
nekscdens gehen se frieer ran!  
"Schaffe, schaffe, Häusle baue" spielt die Musik prompt,  
domit er in Zukunft ohne Heinzelmänncher auskommt!

De Vorschtand do von dem Verein  
is werklisch porentief rein.  
Net nur de Körper, a die Seel,  
ihr Leit, ich sahn eich net zuveel!  
Unn wenn er ebbes Verdächtisches sicht,  
er sofort zum Kontrollgang aufbricht!  
Deshalb er manchmol uff de Fels vorbeischaht,  
domit a kenner dort was klaut!  
So hockt er sich ins Auto, dreht die Scheibe noch ruft  
unn fahrt so wie üblich de Bersch enuff.  
Doch was sieht er do mit Entsetze?  
E Bien dut in seim Auto rumwetze!  
Jetzt hockt die do, ganz ohne Scham  
uff seiner Scheib unn halt sich warm!  
Deshalb versucht er die geflügelte Seuche  
mit seiner Hand grad zu verscheuche.  
Er fangt an zu fuchtele unn haut um sich rum,  
das wird der Bien doch bald zu dumm.  
Sie sieht, wie dieser formveredelt  
mit alle Körperteile wedelt!  
Vor Panik iser faschd verreckt,  
wege dem kläne, harmlose Insekt!  
Fer dieses End brauch man kä Dichter,  
das Vieh hat ne gestoch, genau zwische die Lichter!  
Weshalb jetzt die hochmodern Brill  
nimmi so recht uff de Nas bleibe will,  
weil's die Beule dort verhinnert,  
die ne noch lang an den Vorfall erinnert!  
Die Musik "Biene Maja" spielt,  
weil die Bien so schä gezielt!!!

Ihr Leit, ich kennt nochmeh verzehle,  
awwer ich will eich nimmi quäle.  
Die Kehle sinn bestimmt ganz trocke  
unn es Susi dut schunn mit Schoppe lockel!  
Ich hoff, ihr hann do eiere Spaß unn es Wetter wird net allzu naß.  
Dem Kerwekult dun mir hier fröhne,  
die arm Lewwer bestimmt net verwöhne!  
Mir versaufe unser Geld, bis de letschde Vorhang fällt!  
Die Puppe danse, stelln's eich vor,  
nie schenner als in Nerremohr!"  
Gesegnet wird noch unser Strauß,  
dann is die Kerweredd ach aus!!!

DU SOLLSCHT ES GANZE JOHR IWWER MENGE DOMIT MIR NOCH LANG AN  
UNSER KERB ZERICKDENG!!!

ENDE